



Saravanan ketika bertemu wakil Microsoft di Washington bagi membincangkan kerjasama pembangunan modal insan.
(Gambar ihsan Kementerian Sumber Manusia)

HRD Corp, Microsoft jalin kerjasama perkasa belia Orang Asli

Kuala Lumpur: Perbadanan Pembangunan Sumber Manusia Berhad (HRD Corp) akan menjalin kerjasama dengan Microsoft Corporation (Microsoft) bagi memperkasakan belia Orang Asli di negara ini menerusi penggunaan teknologi.

HRD Corp agensi di bawah Kementerian Sumber Manusia (KSM), manakala Microsoft adalah syarikat teknologi multinasional yang berpangkalan di Redmond, Washington, Amerika Syarikat (AS).

Microsoft terbahit dalam pembangunan dan penghasilatan perisian komputer, peralatan elektronik, komputer peribadi dan servis digital yang lain seperti 'server' carian dan pengkomputeran awan (cloud computing).

Menteri Sumber Manusia, Datuk Seri M Saravanan, berkata kerjasama itu membabitkan pembangunan infrastruktur dan modal insan yang menjurus kepada penggunaan teknologi semasa dalam memperkasakan belia Orang Asli di Malaysia.

"Dalam lawatan kerja saya ke Washington, saya telah bertemu

dengan Microsoft bagi membincangkan kerjasama membabitkan pembangunan infrastruktur dan program pembangunan modal insan.

"Program ini menjurus kepada penggunaan teknologi semasa dalam memperkasakan belia Orang Asli di Malaysia, menggabungkan kekuatan kedua-dua organisasi bagi memperkasakan belia masyarakat itu dalam penggunaan teknologi yang akan meningkatkan kemahiran dan keupayaan bertikar.

"Ini secara tidak langsung akan membuka peluang kepada belia Orang Asli untuk memepatkan diri mereka dalam dunia pekerjaan dan keusahawanan," katanya dalam satu kenyataan, di sini semalam.

Beliau berkata, sasaran utama pelaksanaan program dan inisiatif itu adalah untuk menggalakkan belia, khususnya komuniti Orang Asli untuk menambah baik diri mereka secara proaktif.

Sebagai permulaan, Saravanan meminta HRD Corp melaksanakan projek perintis untuk belia Orang Asli di Tapah, Perak.